

有漏常愁冷無情不覺寒要通雲外境拾俗慧眸看

感皇恩

百日鎖庵門分梨十化閑閑澄中淨養真假箇人嘆問直受如
斯瀟灑我咱知得也誠清雅別有一般分明好畫頻頻親擊出
暫懸挂那懣要看萬斛珍珠酬價恁時傳說下些兒話

丹陽次韻

鍾呂遺風仙專行教化故鎖庵門卽非假用機誘我暗剔靈明
惺灑脫家風狂做乘儒雅真箇內容難描難畫六銖衣光彩體
披掛手擎丹顆瑩瑩光明無價蓋因傳得些非常話

報師恩

道藏輯要

分梨十化集

大

胃集二

爲何不倦寫詩詞這箇明因只自知一筆書開真正覺三田般
過的端慈迴光返照緣觀景固蒂深根恰及時密鎖玄機牢閉
戶喚來便去赴瑤池

丹陽次韻

今朝跪領本師詩祕密玄機喜得知勘破萬緣忘假相滌除六
慾起真慈男婚女嫁休心日意滅情忘捨俗時恭從吾師雲水
去將來決定到天池

贈丹陽

酒初醒夢初驚月初明性初平如覺悟是前程

丹陽次韻